

ПАРРАНДАЛАРДАН АЖРАТИЛГАН САЛЬМОНЕЛЛЁЗ ҚЎЗҒАТУВЧИЛАРИНИНГ ТУРЛИ АНТИБАКТЕРИАЛ ПРЕПАРАТЛАРГА СЕЗУВЧАНЛИГИ

X.С.Салимов в.ф.д., профессор, ВИТИ Вирусология лабораторияси мудири,
A.Х.Хатамов СамДВМЧБУ Микробиология вирусология ва иммунология кафедраси
ассистенти, PhD.

Аннотация. Ушбу мақолада Республика из хўжаликларида паррандаларда салмонеллёнинг асосий қўзғатувчи тури бўлган *S.enteritidis*ning бир неча антибактериал препаратларга сезувчан-лиги ўрганилган ҳамда ин-витро да ўрганилиш асосида юқори сезувчанликни намоён этган препаратларнинг терапевтик самарадорлиги экспериментал сальмонеллёзда ўрганиш натижалари баён этилган.

Annotation. In this article, the sensitivity of *S. enteritidis*, the main species that causes salmonellosis in poultry in the farms of our Republic, to several antibacterial drugs is studied, and the results of the in-vivo study of the effectiveness of drugs that prevent high sensitivity based on in-vitro studies are described.

Калит сўзлар. Салмонеллёз, *S.enteritidis*, *in-vitro*, *in-vivo*, сезувчанлик, дисқда диффузлаш, антибактериал препаратлар, сезувчан, кам сезувчан, жуда кам сезувчан ва чидамли.

Key words. Salmonellosis, *S. enteritidis*, *in-vitro*, *in-vivo*, susceptibility, disk diffusion, antibacterial drugs, susceptible, less susceptible, very less susceptible and resistant.

Мавзунинг долзарблиги ва зарурати. Дунё мамлакатларида чорвачи-ликнининг муҳим тармоғи бўлган паррандачиликни ривожлантириш, озиқ-овқат хавфсизлигини таъминлаш, аҳолини экологик тоза ва таннархи арzon парранда маҳсулотларига (парранда гўшти, тухум) бўлган талабини қондириш бугунги куннинг долзарб масалаларидан бири ҳисобланади. Паррандачилик маҳсулотлари, шу жумладан гўшт ва тухум инсон истеъмоли учун пархез оқсилнинг энг муҳим манбаларидан биридир. Жаҳонда гўшт истеъмоли бўйича паррандачилик етакчи соҳага айланди, чунки қисқа муддатда улардан пархезбоп, таннархи арzon гўшт олиш имконияти мавжуд.

Паррандачилик хўжаликлари жўжаларнинг сальмонеллёз оқибатида нобуд бўлиши, маҳсулдорлигининг пасайиши, касалликни олдини олиш, даволаш ва чеклов тадбирларини жорий этишга қилинган харажатлар туфайли катта иқтисодий зарап кўрмокда. Сальмонеллалар билан заарланган тухум ва паррандалар гўшт маҳсулотлари одамларда озиқ-овқат токсикоинфекциясининг асосий манбаи ҳисобланади. Тиббий статистика маълумотларига кўра, сальмонелла этиологияли токсикоинфекциялар дунёning деярли барча мамлакатларида учрайди ва сўнгги йигирма йил ичидаги одамлар орасида уларнинг кўпайиши биринчи навбатда уй ҳайвонлари ва паррандалар сальмонеллёнинг тарқалиши билан боғлиқ. Шу боисдан паррандаларда сальмонеллёзни диагностика қилиш ва унга қарши курашиш чора-тадбирларини ишлаб чиқиш бугунги кундаги долзарб вазифаларидан бири ҳисобланади.

Республикамиз паррандачилик саноатида, айниқса, кичик фермер хўжаликларида мавжуд бўлган паррандаларнинг сальмонеллёзига қарши соғломлаштириш тадбирлари, бугунги кунда эпизоотияга қарши курашнинг барча жабҳаларини қамраб ололмаяпти. Шунинг учун кўп тармоқли фермер хўжаликлар фаолиятини тизимлаштириш, паррандалар сальмонеллёзини тарқалишида энзоотияни устун бўлишини ҳисобга олган ҳолда, касалликни самарали даволаш ўз ечимини кутаётган масалалардан саналади. Шу сабабли, паррандалар сальмонеллёзини даволаш учун муқобил даволаш усусларини ишлаб чиқиш талаб этилади.

Дастлаб фермадаги касал паррандалардан ажратилган сальмонеллаларнинг антибактериал препаратларга: антибиотикларга, сульфаниламид ва нитрофуран препаратларга сезирлиги аниқланади, кейин, уларнинг терапевтик ва профилактик самарадорлигини синаб куриш натижасида ҳайвон ва паррандалар касалликларини даволаш

ва олдини олиш учун дори воситаларини танлаш ва тавсия этиш имконини беради. Шу билан бирга, антибиотиклар, суlfanilamidlar, нитрофуран препаратлари ошқозон-ичак тизимида яхши сўриладиган ва сальмонеллаларга бактериостатик ва бактерицид таъсир кўрсатадиган кимётерапевтик воситалар бирикмаларидан фойдаланиш самарали натижада беради. Кўпгина тадқиқотчилар аминогликозидлар гурӯҳи антибиотиклари - гентамицин, стрептомицин, спектиномицин, Б спектри ёрдамида паррандаларда сальмонеллён даволаш самарали таъсир этишини; ароматик қатор - левомицетин; фторхинолон препаратлари - байтрил, энрофлоксацин, протеиноспира, колмик-Е, флубактин, энромаг, флумиқуил; тилозин кичик гурухининг макролидлари - фармацин, тилозин, фрадизин, спирамицин ва эритромицин, галлимицин; антибиотик полипептиidlари - коливет; тетрациклиналар - биомицин ушбу касалликни даволашда яхши самара беришни ёзганлар [0, **Ошибка! Источник ссылки не найден.**, **Ошибка! Источник ссылки не найден.**]. Колмик-Е, энрофлоксатрил, эриприм концентрати, авидокс, колимицин, албак ва бошқа антибактериал дорилар касалланган ёш паррандаларни даволаш учун ишлатилади. Кўпгина дорилар касалликнинг касалликнинг инкубация даврида ва бошланишида сальмонеллаларга қарши яхши тасир этади [**Ошибка! Источник ссылки не найден.**].

S.enteritidis культуралари аминогликозидларга (амикасин ва гентамицин) жуда сезгир - мос равища $99,0 \pm 1,93$ ва $98,1 \pm 2,57\%$; сефтриаксон - $97,2 \pm 3,16\%$; ципрофлоксацин - $91,9 \pm 5,08\%$; офлоксацин - $98,0 \pm 2,76\%$; котримакозол - $89,2 \pm 5,78\%$; хлорамфеникол - $88,3 \pm 5,98\%$. Б-лактам антибиотикларига сезувчанлиги бироз пастроқ. Ушбу культуранинг тетрациклинга сезувчанлиги анча паст - $26,2 \pm 8,33\%$. *S.typhimurium* аминогликозидларга (амикасин ва гентамицин), карбапенемларга (имипенем), сефалоспоринларга (сефтриаксон) юқори сезувчанлик - 100%; шу билан бирга хинолонларга (сипрофлоксацин) - $78,8 \pm 13,96\%$ ва фторхинолонларга (офлоксацин) - $85,7 \pm 14,97\%$ сезгирлиги пастлиги аниқланган [**Ошибка! Источник ссылки не найден.**].

Шунингдек, тадқиқотчи олимлар томонидан *S.enteritidis* нинг сипрофлоксацин ва офлоксацинга 88,9% сезгирлиги аниқланган бир вақтда *S.typhimurium* га 100 фоизлик сезувчанликни намоён қилган [**Ошибка! Источник ссылки не найден.**, **Ошибка! Источник ссылки не найден.**]. Бир қатор муаллифлар Россия Федерациясининг турли минтақаларида паррандачилик фермаларида маълум бир вирулентликка эгалиги билан ажralиб турадиган микроорганизмларнинг 29 та дала штаммларини (шу жумладан, сальмонеллаларни, *Pasteurella multocida* ва *Escherichia coli*) флорфениколига юқори сезувчанлигини аниқлаганлар [**Ошибка! Источник ссылки не найден.**].

Ватанимиз олимлари касалликни даволаш мақсадида жўжаларнинг ошқозон ва ичакларида тез сўриладиган левомицитин, гентамицин, канамицин, тетрацилин, ампицилин, мономицин, норфлокс-200, нитокс-200, эмовит WC, амурил, линкомицин, лекомицин ва илинон каби дорилар сальмонеллозга қарши яхши восита сифатида эътироф этишган. Таркибида 10 фоизли энрофлоксацин мавжуд байтрил 10 мг/кг дозада яхши самара берган, аммо уни бошқа антибиотикларни ишлатмасдан бериш эзур. Ушбу препаратни аэрозол усуlda ҳам бериш мумкин эмас, чунки бу ҳолатда сальмонеллалар байтрилга тез мослашиб қолади. Уларга кейинги 3-4 кун давомида нитрофуранли препаратлар (фуразолидон, фурадонин, фурагин ва б.) бериш мумкин. Бундан ташқари, сальмонеллалар полимиксин M, абактан, энроксидларга 93-97% сезувчанлик кўрсатган [0, **Ошибка! Источник ссылки не найден.**].

Ўзбекистон шароитида ажратилган сальмонеллаларнинг колмик Е, энрофлокс, квинокол, байтрил, ренровет, вилфлокс, ципрокс каби препаратларига жуда сезувчанлиги ҳакида ёзишган. Аммо, бу ерда шуни таъкидлаш жоизки, хамма сальмонеллён бўйича носоғлом паррандачилик хўжаликларида сальмонелла штаммларининг сезувчанлиги бир хил бўлмаслиги мумкин. Шунинг учун ҳар бир хўжалиқда касалликни содир қилган штаммнинг антибиотик ва кимёвий препаратларга сезувчанлиги аниқлангандан сўнг даволашни бошлаш керак. [**Ошибка! Источник ссылки не найден.**]

Антибиотиклардан сальмонеллаларга қарши курашишда уларни бир вақтда 2-3 тасини ҳар хил қомбинацияда фойдаланиш самаралироқ, деб таърифланади. Клиндаспектин таркибиға клиндамицин ва спектиномицин кириб, грамманфий ва граммусбат микрофлорага қарши, шу жумладан - энтеробактерияларга нисбатан кенг таъсир доирасига эга. Триметосулфолий кислотаси ингибитори триметопримни ўз ичига олган кучайтирилган сулфаниламид препарати паррандаларнинг сальмонеллёзида ҳам самарали таъсир кўрсатади [**Ошибка! Источник ссылки не найден.**].

Кўпгина тадқиқотчиларнинг фикрича, сальмонеллёзни даволашнинг оптимал усули антибиотиклардан фойдаланиш бўлиб, хинолонли дорилар (флубактин, энроксил, байтрил ва бошқаларда) тўқималарда ва организмнинг ички муҳитида юқори бактерицид ва бактериостатик таъсир қилишга қодир. Аммо антибиотиклар билан даволаш касалликни қайталанишининг олдини ололмайди, аксарият ҳолларда паррандаларнинг йўғон ичакларида сальмонеллалар узоқ муддатли бактериал ташувчилик сифатида сақланиб қолиши мумкин [**Ошибка! Источник ссылки не найден., Ошибка! Источник ссылки не найден., Ошибка! Источник ссылки не найден.**]. Шунинг учун ҳам аввало касаллик қўзғатувчисини ажратиш, унинг антибактериал дориларга сезгиригини аниқлаш, даволаш учун эса сальмонеллаларнинг юқори сезгирилиги кўрсатилган дориларни қўллаш лозим. Патогенга таъсир қилишнинг турли механизмларидан фойдаланган ҳолда дори воситаларини биргаликда қўллаш уларнинг самарадорлигини ошириб, бактерияларнинг уларга ўрганиб қолишига йўл қўймайди [**Ошибка! Источник ссылки не найден.**].

Тадқиқотнинг мақсади. Паррандалардан ажратилган сальмонеллаларининг турли антибактериал препаратларга сезувчанлигини ва уларнинг даволаш самарадорлигини ўрганиш.

Тадқиқот обьекти ва усуллари. Сальмонелла культураларининг антибиотикларга сезувчанлиги стандарт антибиотик дискларини янги экилган культураларга қўллаш орқали агарга диффузлаш (антибиотиклар шимдирилган қоғоз дисклар) усулида ўрганилди. Бунда Enrol-G, Enroflaksatsin 10%, Intertrim 480, Xloramfenikol, Introflor-100 oral антибиотиклар шимдирилган стандарт дисклардан фойдаланилди [**Ошибка! Источник ссылки не найден.**].

Антибактериал воситаларнинг самарадорлигини ўрганиш мақсадида қуйидаги тартибда гурухлар тузиб олинди.

1–тажриба гурухига дори моддаларининг қўллаш йўрикномасига мувофиқ Introflor-100 oral 1л сувга 1мл микдорда, 2 – тажриба гурухига Enrol-G 4 л сувга 1мл дозада, 3 –тажриба гурухига Intertrim-480 oral 1 л. ёки 1,5 л сувга 1мл микдорда қўшиб берила бошланди.

4-гурух жўжаларидан заарланган назорат гурухи сифатида фойдаланилди. Ушбу гурухдаги жўжаларга ҳеч қандай профлактик ва даволаш воситалари қўлланилмади. Лекин бу гурухдаги жўжалар ҳам тажрибанинг 8-куни *S.enterides*нинг ЎД₁₀₀ микдори билан заарлантирилди. Тажриба давомида ўлган жўжалар қайд этиб борилди.

5-соғлом назорат гуруҳидаги бройлер жўжалар сальмонеллёз касаллиги қўзғатувчиси билан заарлантирилмади ҳамда, даволаш мақсадида ҳеч қандай терапевтик восита қўлланилмади.

Тадқиқот натижалари. Жўжаларнинг салманеллёз касаллигига қарши даволаш ва профилактика ишларини ўтказишида ажратилган штаммларни антибиотикларга сезувчанлигини аниқлаш муҳим амалий аҳамиятга эга. Сальмонеллларга яхши таъсир этувчи антибиотикларни танлаш, профилактика ва даволаш ишларини самарали ўтказишига ёрдам беради. Кўзғатувчининг антибиотикларга сезувчанлигини аниқлаш учун бизнинг тадқиқотларимизда дискда диффузлаш усулидан фойдаланилди. Бунда enrol-G, 10% ли энрофлаксацин, intertrim-480 oral, хлорамфеникол, introflor-100 oral антибиотиклар шимдирилган қоғоз дисклардан фойдаланилди.

Олинган натижалар ва уларнинг баҳоланиши қуйидаги жадвал (1-жадвал) да берилган.

Текширишларимизда ишлаб чиқариш шароитида кўпчилик паррандачилик хўжаликларида сальмонеллёзни даволашда яхши самара бераётган ҳамда фойдаланиш

йўриқномасида ҳам ушбу инфекцияларни бартараф этувчи хусусиятлари мавжуд бўлган 5 антибактериал препаратлардан тайёрланган стандарт қоғоз дисклардан фойдаланилганда аксарият антибиотиклар сезувчанликни намоён қилди.

Дарҳақиқат, тажрибаларда introflor-100 oral 23 мм, enrol-G 20 мм ва intertrim-480 oral 24 мм диаметр ҳудуддаги бактериаларни ўсишини тўхтатиши аниқланди. Шунингдек, паррандалардан ажратилган сальмонелла штаммларига 10% энрофлаксацинни кам сезувчанлиги, хлорамфеникол эса, энг паст сезувчанликни (7 мм) намоён қилиши исботланди. Юқоридаги in-vitro тадқиқотларимиз натижаларини таҳлил қиласиган бўлсак, паррандалар сальмонеллёзи қўзғатувчисига қарши 3 турдаги антиботиклар introflor-100 oral, enrol-G ва intertrim-480 oralларни ушбу касалликка синааб кўриш мақсадга мувофиқ бўлади. Айнан ўрганилаётган сальмонелла штаммлари ушбу препартларга сезувчанликни намоён қилиши тадқиқот олиб борилаётган хўжаликларда тарқалган сальмонелла штаммлари юқорида кўрсатилган препартларга нисбатан чидамлилик хусусиятини намоён қилмаган. Касаллик ҳар қандай этиологияга эга бўлганда ҳам ушбу препартлар сальмонеллёзни даволашда муваффақиятли кўлланилиши мумкин.

1-жадвал

Паррандалар сальмонеллёзи қўзғатувчиларининг антибиотикларга сезувчанликни аниқлаш натижалари

№	Препарат номи	Культура ўсмаган ҳудуд диаметри (мм)	Баҳоланиши
1	Introflor-100 oral	23	Сезувчан
2	Энрофлаксацин10%	11	Кам сезувчан
3	Хлорамфеникол	7	Жуда кам сезувчан
4	Enrol-G	20	Сезувчан
5	Intertrim-480 oral	24	Сезувчан

Шу билан бирга сўнгти йилларда паррандалар сальмонеллёзини даволашда яхши самара бериб келаётган 10% энрофлаксацин ҳамда хлорамфеникол препартлари in-vitro тадқиқотларимизда ушбу ўрганилаётган штаммга нисбатан сезувчанлиги паст бўлди. Бунга сабаб қилиб бир нечта омилларни кўрсатишими мумкин, хусусан бир нечта тур шартли патоген қўзғатувчиларга қарши курашиш мақсадида уларнинг тури ва касаллик келтириб чиқарувчи штамми аниқланмасдан ушбу препартлардан асоссиз номутаносиб фойдаланилган ёки узоқ йиллар давомида қўзғатувчининг маълум штамми тарқалган ҳудудда юқоридаги даволаш воситаларидан доимий фойдаланиш оқибатида уларнинг чидамли штаммлари пайдо бўлган бўлиши мумкин.

2-жадвал.

Бройлер жўжаларида сальмонеллёзни даволашда антибактериал препартлардан фойдаланишнинг терапевтик самараадорлиги

Гурухлар номи	Кўлланилган препарат		Бош сони	Тирик	%	Ўлган	%
	Номи	Кўллаш миқдори ва усуслари					
1-тажриба гурухи	Introflor-100 oral	1л ичимлик сувига 1мл миқдорда қўшиб берилди	10	5	50	5	50
2-тажриба гурухи	Enrol-G	4 л ичимлик сувига 1мл миқдорда қўшиб берилди	10	6	60	4	40
3-тажриба гурухи	Intertrim-480 oral	1,5 л ичимлик сувига 1мл миқдорда қўшиб берилди.	10	7	70	3	30
4-қўзғатувчи юқтирилган	Физиологик эритма	1 л сувга/1мл	10	0	0	10	100

назорат гурухи							
5-соғлом назорат гурухи	-	-	10	10	100	0	0

Паррандаларни сальмонеллёздан даволашда қўлланиладиган антибактериал препаратларни лаборатория шароитида *in-vitro* тадқиқотлар натижасида қўзғатувчининг ўрганилаётган штаммига нисбатан юқори сезувчанликни намоён қилгандарини *in-vivo* ҳолатда экспериментал сальмонеллёзда антибактериал препаратлардан фойдаланишнинг терапевтик самарадорлигини аниқлашга бағишиланган бройлер жўжаларда ўтказилган тажрибалар 2-жадвалда келтирилган.

Паррандаларнинг тирик қолиши, соғлиғининг тикланиши, ўсиши, тирик вазнини тикланиш вақти ва озиқа истеъмоли меъёрлашиши касалликдан соғайғанлигини натижаси сифатида қабул қилинди. Бунда жадвал маълумотларини таҳлил қиласиган бўлсақ, тажриба охирида ўлган ва тирик қолган жўжаларнинг сонига қараб берилган даволовчи препаратларнинг самарадорлиги ўрганилди. Унга кўра, 1-тажриба гуруҳидаги жўжаларга *introflor-100 oral* бериб борилган тадқиқотларда 10 бош жўжадан 5 боши тирик ва 5 боши нобуд бўлди. 2-гурухга тажриба тавомида *enrol-G* (энрофлаксацин + гентамитцин) антибиотиги бериб борилган бўлиб, бу гуруҳда 10 бош жўжадан 6 боши тирик колиб, 4 бошида ўлим кузатилди. Охирги 3-тажриба гуруҳидаги жўжаларда *Intertrim-480 oral* (*Sulphadiasine* 400 мг - *Trimethoprim* 80 мг) билан касалликни даволаш ишлари олиб борилган бўлиб, бу гуруҳда 7 бош жўжалар тирик қолди ва 3 бошида тажриба охирида ўлим кузатилди. 4-касаллик қўзғатувчи билан юқтирилган ва даволаш муолажалари ўтказилмаган назорат гуруҳида 10 бош жўжанинг ҳаммаси сальмонеллёздан ўлди. 5-соғлом назорат гуруҳида 10 бош жўжалардан ҳеч бирида ўлим кузатилмади.

Олинган натижалардан кўриниб турибдики, 1-тажриба гуруҳда *introflor-100 oral* антибиотигининг даволаш самарадорлиги 50%, 2-тажриба *enrol G* бериб борилган гуруҳда бу кўрсаткич 60% ва ниҳоят *intertrim-480 oral* бериб борилган тажриба гуруҳида 70% терапевтик самарадорликка эришилди.

Тажриба охирида паррандаларнинг сақланувчанлиги гуруҳлар бўйича аниқланди ва терапевтик самарадорлиги таҳлили қилинди.

Шундай қилиб, шартли патогенлар - сальмонеллаларнинг даволовчи препаратларга чидамлигининг ошиши билан уларнинг терапевтик самарадорлиги тушиб кетади. Бундай ҳолатда лаборатория шароитида қўзғатувчиларнинг антибиотикларга сезувчанлигини ўргангандан ҳолда таркиби мураккаб бўлган препаратлардан, яъни *intertrim-480 oral*дан фойдаланиш керакли натижани олишга ёрдам беради.

Олинган натижаларни муҳокамаси. Ўтказилган *in-vitro* тадқиқотларимиз натижасида паррандалар сальмонеллёзи қўзғатувчиларига қарши замонавий антиботиклар *Enrol-G*, *Intertrim-480 oral* ва *Introflor-100 oral*лар қўлланилганда, улар тажрибаларда юқори сезувчанликни намоён қилди. Бунга сабаб сальмонеллаларга қарши антибактериал препаратлар таркибида антибиотикдан ташқари уларга синергетик таъсир килувчи сульфаниламид ва бошқа антибиотикларни мавжудлиги (*Enrol-G=100mg Enroflaksatsin + 100mg Gentamitsin Sulfat*, *Intertrim-480 oral=Cульфадиазин 400мг + триметоприм 80мг*) ҳисобланади. Тадқиқот олиб борилаётган хўжаликларда тарқалган сальмонелла штаммлари юқорида ўрганилган препаратларга нисбатан чидамлилик хусусиятини қилмаган. Касаллик ҳар қандай этиологияга эга бўлгандан ҳам ушбу препаратлар сальмонеллёзни даволашда муваффақиятли қўллаш мумкин.

Сальмонеллаларнинг аксарият янги ажратилган штаммлари турли гуруҳдаги кимёвий терапевтик дориларга: эритромицин, доксициклин, метациклин, ампициллин, карбеницилин, левомицетин, тетрациклин ва бошқаларга жуда чидамли эканлиги кўпгина тадқиқотчилар томонидан аниқланган. Сальмонеллаларнинг III авлод сефалоспоринлари (клафоран,

лонгацеф, сефобид ва бошқалар), II-III авлод аминогликозидлари (гентамицин, сизомицин, тобрамицин, амикацин, нетилмицин, пефлоксацин), шунингдек, рифампицин, полимиксинларга нисбатан сезгирилиги сақланиб қолмоқда.

Бир гурух олимлар томонидан сальмонеллаларга қарши энрофлоксацин, ципрофлоксацин, пефлоксацин ва доксициклин юқори антибактериал таъсирга эга эканлиги ва жўжаларнинг экспериментал сальмонеллёзида турли сальмонеллаларга қарши уларнинг қиёсий самарадорлиги ўрганилганда фақат энрофлоксацин юқори терапевтик самарадорлик (92%) кўрсатганлиги аниқланган..

Сўнгги йилларда паррандалар сальмонеллёзини даволашда яхши самара бериб келаётган 10% ли энрофлоксацин хамда хлорамфеникол препаратлари *in-vitro* тадқиқотларимизда ушбу ўрганилаётган штаммларга нисбатан сезувчанлиги паст эканлиги кўпгина олимларнинг берган маълумотларига номутаносиб. Бунга сабаб, тадқиқот ўтказилган худудларда бир нечта тур шартли патоген қўзғатувчиларга қарши курашиш мақсадида уларнинг тури ва касаллик келтириб чиқарувчи штаммлари аниқланмасдан ушбу препаратлардан асосиз фойдаланилган. Шунингдек, узоқ йиллар давомида қўзғатувчининг маълум бир штамми тарқалган ҳудудда юқоридаги даволаш воситаларидан доимий фойдаланиш оқибатида сальмонеллаларнинг чидамли штаммлари пайдо бўлишига олиб келган.

Паррандалардан ажратилган сальмонелла штаммларининг (*S.enteritidis* ва *S.typhimurium*) ампициллин, хлорамфеникол, линкомицин, эритромицин, стрептомицин каби антибактериал дориларга юқори ва ўртacha сезгирилкка эга эканлиги ва энрофлоксацин ва неомицинга чидамлиликни намоён қилганлиги бошқа тадқиқотчи олимлар томонидан ҳам эътироф этилган.

Олинган маълумотларнинг кластерли таҳлиллари натижаларига кўра, сальмонеллалар учун энг барқарор ва фаол антибактериал дориларга фторхинолонлар (флубактин, энроксил), нитрофуранлар (фуразолидон), аминогликозидлар (гентамицин), фениколлар (хлорамфеникол) киради. Уларни саноат асосида парвариш қилинаётган паррандаларни даволашда уларнинг физикавий ва фармакокинетик хусусиятларини ҳисобга олиш керак.

Барча юқорида таъкидланган сув ва озиқа билан бериладиган даволовчи препаратлар, айниқса, кенг таъсири доирасига эга антибиотиклар парранда ичакларидаги меъёрий микроорганизмлар тури ва нисбатини ўзгартириб юборади. Айниқса, бу антибиотикларга таъллуқли бўлиб, уларни инфекцион касалликларнинг олдини олиш, шунингдек, парранда ўсишини рағбатлантириш мақсадида назоратсиз ва кенг қўламда қўллаш микроорганизмларнинг антибактериал препаратларга нисбатан чидамли штаммларини пайдо бўлишига олиб келади.

ХУЛОСАЛАР:

1. Жўжаларда экспериментал сальмонеллёзни даволашда интрафлор 100 препаратининг терапевтик самарадорлиги 50 %, enrol G - 60 % ва интертрим-480 oral 70 фоизни ташкил этиши аниқланди.

2. Паррандалар сальмонеллёзи қўзғатувчисига қарши 3 турдаги антиботиклардан (intoflor-100 oral, enrol-G oral ва intertrim-480 oral) ушбу касалликни амалиёт шароитида даволашда intertrim-480 oral препаратидан фойдаланиш тавсия этилади.

3. Шартли патогенлар - сальмонеллаларнинг даволовчи препаратларга чидаммлигининг ошиши билан уларнинг самарадорлиги тушиб кетади. Бундай ҳолатда лаборатория шароитида қўзғатувчиларнинг антибиотикларга сезувчанлигини ўрганган ҳолда таркиби мураккаб бўлган препаратлардан, Intertrim-480 oral дан фойдаланиш керакли терапевтик натижани беради.

ФОЙДАЛАНИЛГАН АДАБИЁТЛАР РЎЙХАТИ

1. Khatamov, A. K., & Salimov, H. S. Results of a Study to Determine the Lethal Doses (Ld100 and Ld50) of *S. Typhimurium* in Experiments on Laying Chickens. *International Journal on Integrated Education*, 4(1), 164-168.

2. Давлатов, Р. Б., Насимов, Ш. Н., Ниёзов, Х. Б., Жабборов, Ш. А., Хўдкамшукоров, Ш. А., & Сафаров, Х. А. (2019). Парранда касалликларини профилактикаси ва даволаш бўйича ТАВСИЯЛАР. *Тошкент-2019*, 21-26.
3. Давлатов, Р. Б., Салимов, Х. С., & Худжамшукуров, А. Н. (2018). Парранда касалликлари" ўқув қўлланма Самарқанд.
4. Давлетов, Р. Б., Салимов, Х. С., & Тоиров, Ж. Э. (2019). ЧУВСТВИТЕЛЬНОСТЬ КОЛИБАКТЕРИОЗА ПТИЦ К АНТИБИОТИКАМ. In *СОВРЕМЕННОЕ СОСТОЯНИЕ, ТРАДИЦИИ И ИННОВАЦИОННЫЕ ТЕХНОЛОГИИ В РАЗВИТИИ АПК* (pp. 39-44).
5. Газнакулов, Т. К., Орипов, А. О., Сафаров, А. А., Хушназаров, А. Х., Давлатов, Р. Б., Абдухакимов, Ш., & Мавланов, С. (2023). XC Салимов, МК Бутаев, ЗЭ Рузиев,—Биохавфсизлик.
6. Давлатов, Р. Б., Салимов, Х. С., & Хўдjamshukurov, А. Н. (2018). Паррандалар касалликлари. Ўқув қўлланма, Самарқанд-2018, 10.
7. Давлатов, Р. Б., Салимов, Х. С., & Тоиров, Ж. Э. (2018). ВОПРОСЫ ЭПИЗООТОЛОГИИ ЭШЕРИХИОЗА ПТИЦ В УЗБЕКИСТАНЕ. In *Современное состояние, традиции и инновационные технологии в развитии АПК* (pp. 67-73).
8. Ниязов, Ф. А., Давлатов, Р. Б., & Дурдиев, Ш. К. (2007). Особенности ассоциированного течения эймериоза и колибактериоза птиц. In *Болезни птиц в промышленном птицеводстве. Современное состояние проблемы и стратегия борьбы. Матер. научно-произв. конф* (pp. 324-327).
9. Butaeva, I. M., Salimov, H. S., & Davlatov, R. B. (2020). On The Diagnosis Of Mixed Bacterial Infections Of Birds. *International Journal of Advanced Science and Technology*, 29(9s), 2308-2315.
10. Salimov, H. S., & Kambarov, A. A. (2016). Epizootiology, textbook.
11. Salimov, X. S., Qambarov, A. A., & Salimov, I. X. Epizootologiya va infektion kasalliklar" darslik 2021 yil. F. Nasimov nashriyoti.
12. Davlatov, R. B., Salimov, X. S., & Xudjamshukurov, A. N. (2018). Parranda kasalliklari, O 'quv qo 'llanma. *Samarqand: "Zarafshon*.
13. Менглиев, А., & Салимов, Х. С. (2004). Мониторинг распространения и предотвращение особо опасных болезней животных: сб. материалов конф. *Самарқанд*, 26-27. 09, (2004), 107.
14. Газнакулов, Т., Салимов, Х., & Шапулатова, З. (2022). Результаты исследования активности биопрепаратов вакцин, используемых для вакцинации против болезни ньюкасла. *Перспективы развития ветеринарной науки и её роль в обеспечении пищевой безопасности*, 1(1), 253-257.
15. Салимов, Х. С. (2022). НЬЮКАСЛ КАСАЛИГИГА ҚАРШИ ЭМЛАШГА ИШЛАТИЛАЁТГАН ВАКЦИНАЛАРНИ БИОЛОГИК ФАОЛЛИГИНИ ТЕКШИРИШ НАТИЖАЛАРИ. *Фазнакулов ТК. ВЕТЕРИНАРИЯ ФАНИНИНГ ИСТИҚБОЛЛАРИ ВА УНИНГ ОЗИҚ-ОВҚАТ ХАВФСИЗЛИГИНИ ТАЪМИНЛАШДАГИ ЎРНИ 1-қисм*, 253.
16. Бутаева, И. М., & Салимов ХС, Д. Р. (2020). On The Diagnosis Of Mixed Bacterial Infections Of Birds International Journal of Advanced Science and Technology Vol. 29. No. 9s, 2308-2315.
17. Бутаева, И., & Салимов, Х. (2022). Диагностика смешанных бактериальных инфекций птиц. *Перспективы развития ветеринарной науки и её роль в обеспечении пищевой безопасности*, 1(1), 58-62.
18. Tairov, J., & Salimov, K. (2023). Cultural, biochemical, and pathogenic properties of *Escherichia coli* isolated from birds. In *E3S Web of Conferences* (Vol. 452, p. 01023). EDP Sciences.
19. Tairov, J., & Salimov, K. (2023). Cultural, biochemical, and pathogenic properties of *Escherichia coli* isolated from birds. In *E3S Web of Conferences* (Vol. 452, p. 01023). EDP Sciences.
20. Элмуродов, Б., Салимов, Х., Давлатов, Р., Камбаров, А., & Тоиров, Ж. (2014). Защитим молодняк и цыплят от колисептицемии. *in Library*, 4(4).
21. Сайдов, А., Абдалимов, С., & Рузимуродов, М. (2022). Разработка реагентов для иммуноферментного анализа (elisa) используемых при диагностике бруцеллэза и других инфекционных болезней. *Перспективы развития ветеринарной науки и её роль в обеспечении пищевой безопасности*, 1(2), 183-186.